

Liedtext: Äs chund e lustige Beckerchnab

1. Äs chund e lustige Beckerchnab, juhui fallera, juhui fallera.
Äs chund e lustige Beckerchnab, oh Meiteli witt du dä?
O nei, o nei e Züpflibacher!
Wenn na gseh, so mues i lache!
En andere mues es si, en andere muess es si!

2. Es chund e lustige Murerchnab, juhui fallera, juhui fallera.
Es chund e lustige Murerchnab, oh Meiteli witt du dä?
O nei, o nei, e Pflasterchöller!
E settige hed mi scho mängisch wölle!
En andere mues es si, en andere muess es si!

3. Es chund e lustige Bättlerchnab, juhui fallera, juhui fallera.
Es chund e lustige Bättlerchnab, oh Meiteli witt du dä?
O ja, o ja, e Bättlerchnab!
Där treid mer z`Brot im Seckli nah.
En andere mues es si, en andere muess es si!